

南皮縣志卷之二

建置志 城池 公署 壇廟 武備 儲積 坊表

津梁 市集 寺院 郵鋪 驛站 汛防

城池 邑蓋有舊城按春秋齊桓公北伐於此

革因以名城不知何自而徙今治或曰章武

有北皮亭故以南皮別之果爾則史記載漢高

初封陳餘於南皮者又何以稱焉齊世家云齊

伐山戎修燕好也莊公德之送出於境桓公因

割所至地與燕即此地與正義云留燕城在長

蘆北考之一統志不載萬歷中今城東北里許

土人耕地得方石一合係唐義昌軍節度驛使

官夏侯義墓誌銘云葬南皮西南十里東觀鄉

莊東南百步是蓋指舊城為言也錄以備考

縣城土築高二丈一尺闊二丈週圍八百九丈二尺

五寸為門四各有樓 東曰觀海南曰控齊 西曰臨漕北曰朝京 四隅各

有角臺東西面有腰臺四各有樓池深一丈闊二

丈各門皆跨以橋 肇建年 嘉靖二十五年知縣李

筵重脩萬歷二十五年以備倭議甄其城知縣李

正華以財力不足止之 時上臺檄脩因計用甄四

十一萬餘斤約費銀八千四百餘兩人夫 萬歷四

照丁地僉派似非四五年可完者遂止之

十二年知縣徐殷繕築城垣二千三百丈甄發東

門建東南城樓二座 府志採河 崇禎九年知縣簡

仁瑞增建甕城重門易梁口各臺以甄若夫隨時

補濬弗大興作者難以悉記

國朝同治九年知縣吳繩曾借邑紳張悅張之京等董

修

南皮縣志

卷之二

城池

公署

縣治在西街北正堂三間東西有耳房前爲戒石坊爲儀門堂左爲鑾駕庫右爲贊政廳東西對列爲六曹廊外爲大門內東爲土神祠前爲賓賓館西爲獄外東爲譙樓堂後爲二堂左爲庫樓右爲書一房北爲知縣宅西南爲典史宅明永樂元年知縣高崑建宣德二年府志作永樂二十二年知縣張麟脩之萬曆二十四年知縣李正華增脩崇禎四年知縣藍再茂復脩

國朝光緒十三年知縣傅培基重脩

南皮縣志

卷之二

公署

二

行署察院舊在南街東嘉靖間改建於東北隅重門大堂川堂寢室書吏厨皂等房俱備今圯

府館舊太僕行署在城隍廟西今圯

屬署陰陽學在縣門前東

醫學在縣門前西惠民藥局在內

僧會司在興化寺內

申明亭在縣門左

旌善亭在縣門右

南皮汎薛家窩馮家口各把總均駐汎地無署

壇廟

社稷壇在城外西北隅北向有臺有階

風雲雷雨山川壇在城外東南隅有臺有階

邑厲壇在城北有臺有階

城隍廟在城內北街東重門正殿左右廊後寢宮

土地舊在正殿西今移二門外東宣德中知縣張

麟創建正統四年知縣陳毅脩之侍讀學士曾鶴

齡撰記略曰南皮為邑雖小而應祀廟不廢况於城隍之尊乎然自經兵革鞠為瓦礫邱墟

草莽久矣宣德初縣令張麟擇縣北隙地肇建之方是時工力未甚備葺理未甚密僅歷十數年風

雨飄損幾至傾覆繼為令者東莞陳君毅也嘗欲新之未果正統四年春夏之交邑境旱甚君率其

南皮縣志

卷之二

壇廟

三

民詣廟禱之雨即應且沾足歲以大稔君與丞歐

貴典史程恕謀曰神惠溥矣宜新斯廟以妥神靈

以徵福於民皆曰諾於是合君三人各捐俸資倡

士撤其舊而增修之材良甃堅工善役勤越幾閱

月廟成嚴嚴翼翼趨走有歸祭禱有所而一邑之

民皆悅又懼來者於其歲月事始末無考也因戶

部員外郎王公文顯來求嘉靖三十四年知縣李

筵萬歷二十四年知縣李正華俱重脩各自為碑記

國朝康熙十一年義士張時俊捐資脩之助工滿洲王金口高有成

脩神路義士劉偉業
八蜡廟在府館西萬歷十年知縣王允中建
馬神廟舊在府館西與八蜡並列順治三年知縣白
龍昇移建預備倉西神路係鄉官張國禎宅以瀛南坊左右基易換

龍神祠舊在西門外崇禎八年知縣簡仁瑞移建風雲壇後榜曰靈雨壇

河神祠在泊頭鎮北康熙十一年河水東溢知縣馬士瓊潔誠懇禱水即西歸民免陷溺因而初建

高烈婦祠在半壁店祀吳茂才妻士紳有燕臺風化卷大宗伯東阿于慎行爲序

甘棠遺愛祠在瀛洲書院內祀前邑令王允中李正華左之禎佟卜年白龍昇

劉侯祠在西城下祀前令劉廷臣王侯祠在南街西祀前令王所須

南皮縣志

卷之二

壇廟

四

藍侯祠在南關街西祀前令藍再茂

武備

演武場在東關外有廳有旗臺嘉靖二十六年知縣

黃持衡建詩見藝文崇禎四年知縣藍再茂重脩增建

武侯土神二祠於左製旗幟金鼓操練鄉兵有軍器什物庫

在縣治內大門西知縣李正華建內貯大將軍砲佛郎機鐵銃挨

牌長鎗鈎鏢腰刀斬馬刀神鎗鉛子火藥弓箭鐵盔鐵甲九年知縣簡仁瑞增

脩大將軍砲西洋砲佛郎機三眼銃鉛子鐵子石子火藥火礮火桶火箭旗幟順治七

年知縣何中舉團練鄉勇置器械馬匹設各村練

長威聲大振十七年知縣紀中含詳請總督部院

委把總一員兵丁百名駐防

儲積

預備倉在縣治西南存積贖穀又有社倉在各鄉村

以備荒歉今廢

養濟院存恤孤貧舊在重興寺前知縣李正華移

建馬神廟前今圯梁芳用價四兩買此並府館空基有印照銀脩學用

漏澤園邑人張繼慈施六處知縣李正華施一處知縣藍再茂施三處

坊表

瀛南古邑坊在縣治前龍門坊在泮池前俱知縣李正華建儒林坊學宮

巷口青雲聚彥坊在儒林南載黃甲羣英坊在儒林北載

南皮縣志

卷之二

武備儲積坊表

五

科進士俱知縣李筵建訓導程維撰記略曰嘉靖乙卯邑侯西塾李公議於黌宮之西巷甃建儒林之坊更於左建青雲右建黃甲二坊以書科第姓名於上因捐俸為倡並查逋負之征於官而積於無用者以取足焉於是鳩工營材上下協力再閱月而規模鼎建輸與奕然見儒林者不必步入宮牆而知宜聖祠字見青雲黃甲者不必繙閱仕籍而可知茲邑之科名殆將一刷陋習而適新觀望矣公之功顧不偉歟是役也木直計金百六十兩石直計金六十餘匠直計金五十餘經始於是年之三月十有七日落成也世科坊為徐安徐廷錫建聯芳坊為張璿張璿建春鯨躍浪 秋桂傳香 豸繡坊三坊為張淮建進士 大中丞 大方伯三坊為湯賓建雲端春曉 月際秋昕二坊為張謐建孝義坊為太學生張如楸立旌節表化坊為張如柏妻旌表孝坊為張燕嘉妻旌表貞節立在學宮東旌表貞節

坊 爲潘世賢妻王氏立 旌表節孝三 一爲劉孺人
一爲張孺人立在劉家馬村 孝義維風坊 乾隆十
一爲朱孺人立在龍門寺 七年爲
邑監生考職州同張
蒲建在丈二橋莊前

津梁

泊頭鎮義渡

知縣李正華自撰記略曰衛河蓋漕運
通津也商賈輳集貿遷往來恆苦於舟
楫之不給歲辛丑余捐俸施材鳩工自飭渡艦而
艘公之河干爲涉者利舟旣成行李之往來始無
凝滯無人弗濟亦無人弗悅雖不敢竊比續施義
於古之遺愛或者庶幾乎溱洧之轍蹟焉
渡 天啟元年泊人有張燒餅者見前舟日久損壞
竭力自造以濟往來遠邇義之在鎮士紳爲所
感化各 薛家窩義渡 紳民
有所施 建教諭韓燿珩重脩 興化橋 在興化寺前歲
登雲橋 在泮池知縣李正華 久頽廢無存光

南皮縣志

卷之二

六

緒十一年夏四品銜候選知州雞澤縣
教諭張怡會衆重建兩橋道亦築平 通濟橋 在
關 會川橋 在南門家橋 在王穆家橋 在城
南 砥 倪家橋 倪家廟前 萬花橋 在半蕭橋 在城東南五
橋鎮 東通濟橋 在劉少盤莊枕宣惠河殘 侯家橋
河有 碑記 東通濟橋 碑剝落同治十二年重修
在蘆莊西北 琵琶張橋 枕宣惠河 潞灌六橋 在潞
枕宣惠河 三十里至劉莊枕宣惠河 劉富卿橋
橋 正間邑監生張璠獨力創建今圯
在 笙劉家橋 龍堂橋 在龍堂村西北二里許枕宣
東二里許 龍堂橋 惠河東連滄州界光緒年間
建

市集

在城則東街集東關集南關集南街集上街集西街

集西關集北街集舊四九日輪轉

糧市在學宮東

董村鎮集即高樂

刁公樓集即刁氏居

舊縣集即饒安

砥橋鎮集在黃河北

白家鎮集在黃河西

泊頭鎮集在衛河東

馬村集在本村

潞灌鎮集即五壘城故址西有阜二一名

南皮縣志 卷之二 市集 七

寺院

興化寺明翰林編修永嘉王瓚碑記略曰南皮有寺

通衢市肆繚繞修齋誦經弗之便天順五年僧會

覺靈作而嘆曰吾之教以明心見性為本吾之徒

以清寂苦空為宗出俗而未離乎俗非居之善也

邑之東北隅幽僻寥廓無喧塵囂之雜碧水環

帶左右望之可以洗煩襟爰徙而居之不數年殿

廡山門方丈之屬粗已完具佛像羅漢塑繪於中

者亦大都可觀成化十五年有僧定仙者持戒慧

軌行峻潔精於其道繼僧會職蒞事以來即以恢

拓沙門為己任捐財鳩工啟者脩之缺者補之赤

者白之漫漶不飾者新之殿宇金容煥然改觀時

有弟性忠悟增輩前後協襄厥事又得備定仙之

所未備復有義官湯澄出帑續創大悲閣於殿之

後甫十年而成於是斯寺之勝甲於滄州登慈航

而望彼岸者咸嘖嘖稱賞焉又有知縣郭宏為

記重建大慈閣邑舉人徐升階撰記略曰邑東北

南皮縣志

卷之二

所萃一邑賴之故當其時人文騰起科第蟬聯戶

口蕃息閭井殷富猶可想見其盛歲久而地邑人

謀重構之弗果邑侯李公正華於壬寅歲與心重

建甫三閱月而竹苞松茂峻閣重基巍然告成公

樂其成嘉其慰吾上民之願望也顏其臺曰靈臺

志臺之始且志速也又謂皮人久悲閣之無存而

慈以使眾者之不難於興復為愉快也更名其閣

曰大慈遺愛百姓將於閣乎是寄焉其意念深遠

矣歲久頽壞康熙十一年重興寺在街西古

義士張福蘊會眾重脩完備重興寺在街西古

刹金鈴寺在西觀音寺在城東塔馬寺在城東菩

薩寺在城東焦山寺在壘城村有龍泉寺在東興

教寺去城五潞灌寺去城六十里在潞灌鎮西唐

重修舊存法華藏經白槐羅漢像雕鏤精巧天佛

又有玉皇石像碑碣林立原名古刹長安寺天佛

寺塚莊興和寺在董興龍寺在黑龍村刁公樓寺

去城七高家寺在霍寨黃家寺在東南六十承慶寺

在砥馬照寺在城東南龍門寺在城東五里道

橋鎮鐘照寺在城南金博寺在頭鎮雪

修鐵佛寺在城東南鐘照寺在城南金博寺在頭鎮雪

山寺城西北彌陀寺在三十鋪西石佛寺城北白塔

寺東北二里捨女寺新城北三十里圓覺寺東北二東

石佛寺十五里玉皇廟二一在社稷壇東東嶽廟

在南真武廟在城北關帝廟在東藥王廟在關帝火

神廟在南三官廟在風雲泰山行宮在火神劉守

真祠舊在西門外崇禎中移白衣庵在東金龍廟

在西石佛寺城東北范丹莊在古皮城

城下石佛寺城東北范丹莊在古皮城

城下石佛寺城東北范丹莊在古皮城

城下石佛寺城東北范丹莊在古皮城

城下石佛寺城東北范丹莊在古皮城

大慈閣匾聯

慈雲永護

張之萬撰題

金剛努目菩薩低眉一鼻孔呼吸相通證果在三
生石上

閣建大慈寺名興化千眼中光明普照法身現百
尺樓頭

張之京撰題

郵鋪

畿輔通志僻遞現存遞送公文馬夫三名共銀六十兩遇閏按月加增知縣掌之按此當是雍正八年奉裁之數乾隆二年復額馬八匹每匹日支豆五倉升每石價銀四錢草二束每束價銀八釐馬夫四名日給工食銀二分七釐凡煮料柴薪燈油藥味鞍屨等項月給銀二錢四分九釐零大建給銀一十二兩六錢二分七釐零小建給銀一十二兩二錢六釐零閏月加增本縣地丁銀內支給

縣前鋪 鋪司四名

南皮縣志

卷之二

郵鋪

九

城南五里鋪 鋪司二名

城北十里鋪 鋪司二名

二十里鋪 鋪司二名

三十里鋪 鋪司二名

每名月給工食銀五錢

驛站

邑本驛原額設站銀二千一百九十三兩一錢九毫五絲六忽五微閏月銀一百一十三兩二錢九分四釐六毫九絲一忽一微五纖內除康熙十四十五兩年各案共裁銀四百八十一兩一錢九毫五

絲六忽五微共裁閏月銀九錢

裁存銀一千七百十二兩於康熙二十年十二月二日欽奉

恩詔復二銀二百四十兩五錢五分四毫七絲八忽二微五纖復閏月銀四錢五分

實裁存並復二共銀一千九百五十二兩五錢五分四毫七絲八忽二微五纖閏月銀一百十二兩八錢四分四釐六毫九絲一忽一微五纖

實裁存並復二共銀二千六十五兩三錢九分五釐一毫六絲九忽四微雍正十一年請裁驛站陋規

南皮縣志

卷之二

驛站

十

等事案內奉裁十分之一銀二百六兩五錢三分九釐五毫一絲六忽九微四纖

實裁存正閏並廩糧雇夫共銀一千八百五十八兩八錢五分五釐內

額設正支工食銀一千六百六十五兩

額設廩糧銀三十三兩八錢一分三釐

額設雇夫銀五十八兩四錢八分二釐

額設閏月銀一百一兩五錢六分

前件正支工食連雇夫共銀一千七百二十三兩四錢八分二釐向係本縣解送河間府轉發該驛

供應差使其閏月加添並額設廩糧二共銀一百三十五兩三錢七分三釐亦係解送河間府轉交該驛供應差使乾隆十九年六月內奉文將驛丞裁汰歸並本縣經營是年七月初七日詳明在於本縣地糧項下留支其閏月銀加添並廩糧銀兩仍係交邑解送河間府庫再由本縣請領辦公嗣後改作司庫撥款旋奉文於嘉慶五年爲始將各項銀兩俱在本縣地糧項留支其閏月銀一百一兩五錢六分於嘉慶十年分奉 藩憲奏裁銀二兩實剩閏月銀九十九兩五錢六分

南皮縣志

卷之二

驛站

二

原本驛水夫楊大彥等八十五名每名日支米柴鹽菜銀五分日共支銀四兩二錢五分

原本驛夫頭孟廷瑞等十名探聽夫二名共夫十二名支十一名半工食每名日支銀三分共支銀三錢四分五釐

原本驛買辦送牌夫共二名每名日支一半工食銀一分五釐日共支銀三分

同治十一年春季新章

一添設馬三十匹每匹日支豆草麩價銀七分八釐四毫日共支銀二兩三錢五分二釐月共支銀七

十兩零五錢六分

一添設馬夫十五名每名口支工食銀六分日共支銀九錢月共支銀二十七兩

一馬匹日用資料柴薪治馬藥味馬房燈油等項每日支銀三錢九分三釐月共支銀十一兩七錢九分

以上每月共銀一百九兩三錢五分由藩庫領

汛防

南皮縣汛 舊制把總一員左營 馬兵七名 守兵

二十六名

南皮縣志

卷之二

汛防

十三

東接右營舊滄州汛西北俱接本營薛家窩汛南接右營甯津汛

薛家窩汛 舊制把總一員左營 馬兵四名 守兵

二十二名

東南俱接本營南皮汛西北俱接河協交河汛

馮家口汛 舊制外委把總一員左營 馬兵四名

守兵二十一名

東接右營滄州汛南接本營薛家窩汛西接河協

交河汛北接河協高川汛

南皮縣墩臺

大廟

姚巷

陸家莊

南皮縣志

卷之二

汛防

七

